



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» br. 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH» br. 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2018. GODINU NARODNE STRANKE ZA GRAHOVO

Broj: 03-07-6-495/20
Sarajevo, 27.07.2020. godine

S A D R Ž A J

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	4
Predmet pregleda i kontrole	4
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI	5
5.2. PREPORUKE	6

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Narodne stranke za Grahovo za 2018. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

Pregledom finansijskog izvještaja za 2018. godine, utvrđeno je da je Narodna stranka za Grahovo prekršila odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Narodne stranke za Grahovo za 2018. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Narodna stranka za Grahovo nije ostvarila prihode, što se vidi iz sljedeće tabele:

R/B	Izvori finansiranja	Iznos (KM)	Struktura (%)
1.	Članarina	0,00	
2.	Prilozi fizičkih lica (3-a)	0,00	
3.	Prilozi pravnih lica (3-b)	0,00	
4.	Prihodi od imovine (3-c)	0,00	
5.	Prihodi od dobiti preduzeća u vlasništvu političke stranke (3-d)	0,00	
6.	Prihodi od poklona (3-e)	0,00	
7.	Prihodi iz budžeta (3-f)	0,00	
8.	Prihodi od propagande (3-g)	0,00	
I	Ukupni prihodi (1-8)	0,00	
II	Ostali prihodi i drugo	0,00	
	Izvori finansiranja (I+II)	0,00	

U godišnjem finansijskom izvještaju za 2018. godinu Narodna stranka za Grahovo nije iskazala rashode.

2. PREDSTAVLJANJE POLITIČKE STRANKE

Naziv političke stranke: Narodna stranka za Grahovo. Skraćeni naziv: NSG.

Narodna stranka za Grahovo registrovana je kod Općinskog suda u Livnu rješenjem broj: 068-0-F1-16-000-003 od 20.04.2016. godine.

Sjedište političke stranke je u Bosanskom Grahovu, Gavrića Principa bb.

Ovlašteno lice za predstavljanje i zastupanje stranke je Bojan Marinković, predsjednik stranke.¹

Lice ovlašteno za podnošenje finansijskih izvještaja za 2018. godinu je, takođe, Bojan Marinković.

Prema podacima iz godišnjeg finansijskog izvještaja za 2018. godinu, Narodna stranka za Grahovo nema niže nivoe organizovanja.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Narodne stranke za Grahovo za 2018. godinu.

¹ Rješenjem Općinskog suda u Livnu, Broj: 068-0-F1-20-000 001 od 12.02.2020. godine, došlo je do promjene osobe ovlaštene za predstavljanje i zastupanje stranke, pa je razriješen dužnosti Siniša Bilbija, a imenovan Bojan Marinković.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskog izvještaja Narodne stranke za Grahovo obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Služba za reviziju je izvršila pregled godišnjih finansijskih izvještaja Narodne stranke za Grahovo za 2016. i 2017. godinu.

Nakon obavljenog pregleda godišnjeg finansijskog izvještaja za 2017. godinu izdat izvještaj o pregledu sa mišljenjem revizora, nalazima i preporukama stranci da vodi evidencije o primljenim nenovčanim donacijama, da poslovne knjige vodi u skladu sa računovodstvenim propisima, odnosno da vodi pravilne evidencije o svojim prihodima i rashodima i da finansijske izvještaje koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka.

Nerealizovane preporuke:

Na osnovu uočenih nedostataka u godišnjem finansijskom izvještaju za 2018. godinu, utvrđeno je da politička stranka nije ispoštovala preporuke revizije.

5. NALAZI I PREPORUKE

5.1. NALAZI

Narodna stranka za Grahovo prekršila je odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

Narodna stranka za Grahovo nije u Završnom računu za 2018. godinu iskazala troškove po osnovu kazne i obaveze u iznosu od 500,00 KM, godišnji finansijski izvještaj za 2018. godinu nije podnijela u zakonom propisanom roku i na način utvrđen Pravilnikom o godišnjim finansijskim izvještajima političkih stranaka-u daljem tekstu: Pravilnik, čime je prekršila odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

- (1) Narodna stranka za Grahovo je godišnji finansijski izvještaj za 2018. godinu podnijela godinu dana nakon zakonom propisanog roka, čime je prekršila odredbe člana 12. stav (4) Zakona o finansiranju političkih stranaka.

Centralna izborna komisija Bosne i Hercegovine je sve političke stranke, među kojim i političku stranku Narodna stranka za Grahovo, obavijestila o obavezi da godišnji finansijski izvještaj za 2018. godinu dostavi u zakonom propisanom roku, tj. do 31.03.2019. godine².

Kako stranka nije dostavila godišnji finansijski izvještaj za 2018. godinu do 31.03.2019. godine, Centralna izborna komisija Bosne i Hercegovine je stranci, dana 17.04.2019. godine, uputila Urgenciju za podnošenje godišnjeg finansijskog izvještaja za 2018. godinu³ putem aplikacije FI CIK BIH u roku od 7 dana od dana prijema urgencije, ali stranka nije postupila u skladu sa urgencijom.

² Obavještenje o obavezi podnošenja godišnjeg finansijskog izvještaja za 2018. godinu broj: 03-07-6-129-1/19 od 12.02.2019. godine.

³ Urgencija broj: 03-07-6-395-1/19 od 17.04.2019. godine.

Narodna stranka za Grahovo je godišnji finansijski izvještaj za 2018. godinu elektronski putem aplikacije FI CIK BIH podnijela dana 26.05.2020. godine. Uvidom u dostavljene obrasce godišnjeg finansijskog izvještaja za 2018. godinu u čvrstoj kopiji, utvrđeno je da stranka nije dostavila obrazac 2 i 2.1 godišnjeg finansijskog izvještaja za 2018. godinu na pravilan način.

- (2) Uvidom u Bilans uspjeha za 2018. godinu utvrđeno je da su ukupni prihodi Narodne stranke za Grahovo iznosili 25,00 KM, a ukupni rashodi 16,00 KM.

Stranka nije u godišnjem finansijskom izvještaji iskazala ni prihode ni rashode, čime je prekršila odredbe člana 13, 21. i 22. Pravilnika.

- (3) Uvidom u podatke iz Potvrde UniCredit banke broj: LI10-10-6-20-979 od 10.06.2020. godine, utvrđeno je da je stranka tokom 2018. godine putem transakcijskog računa broj: 3381502289528827 ostvarila promet ulaza u iznosu od 25,00 KM i promet izlaza u iznosu od 5,98 KM.

Stranka je, međutim, u aplikaciji FI CIK BiH, na obrascu 2. (pregled prometa svih transakcionih računa stranke) godišnjeg finansijskog izvještaja iskazala da je na dan 01.01.2018. godine, odnosno 31.12.2018. godine imala sredstva u iznosu od 15,00 KM, te da u toku godine nije imala promet putem računa, čime je prekršila odredbe člana 11. Pravilnika.

- (4) Na osnovu podataka iz službenih evidencija koje vodi Centralna izborna komisija Bosne i Hercegovine, utvrđeno je da stranka u poslovnim knjigama i godišnjem finansijskom izvještaju za 2018. godinu nije iskazala troškove kazne u iznosu od 500,00 KM i obaveze po osnovu neplaćene kazne u iznosu od 500,00 KM, čime je prekršila odredbe člana 21, 22. i 24. Pravilnika.

Uvidom u Odluku broj: 03-07-6-471/18 od 20.12.2018. godine utvrđeno je da je Centralna izborna komisija Bosne i Hercegovine političkoj stranci Narodna stranka za Grahovo zbog kršenja odredaba Zakona o finansiranju političkih stranaka izrekla novčanu kaznu u iznosu od 500,00 KM.

S obzirom da stranka nije platila novčanu kaznu, obaveza stranke po osnovu neplaćene kazne na dan 31.12.2018. godine iznosi 500,00 KM, što je stranka trebala evidentirati u poslovnim knjigama i iskazati u obrascu 5 (obaveze) godišnjeg finansijskog izvještaja.

5.2. PREPORUKE

Preporučuje se Narodnoj stranci za Grahovo da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- ***da vodi poslovne knjige i podnosi finansijske izvještaje u skladu sa računovodstvenim propisima, odnosno da vodi potpune evidencije o rashodima i obavezama i***
- ***da finansijske izvještaje koje podnosi Centralnoj izornoj komisiji Bosne i Hercegovine dostavlja u zakonom utvrđenom roku i popunjava na način utvrđen Pravilnikom o godišnjim finansijskim izvještajima političkih stranaka.***

KOMENTAR

U ostavljenom roku, Narodna stranka za Grahovo nije se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2018. godinu.

Šef Odsjeka za revizijske poslove

Sanja Tošović

Revizor

Nevenko Andan

Šef Službe za reviziju

Mr. sc. Hasida Gušić